



Rabu, 15 Juni 2022

Ogen: Esekiel 40:47-41:4



Ingan Si Badia



Nabi Ezeiel ibreken sada pengenehen kerna kai sinandangi jadi. Pengenehenen kerna ingan si Badia. Ingan si badia bas rumah pertoton e me ingan nehken persembahen, Dibata nehken pedahNa. Ku bas ingan e imam, janah arah ia Dibata nehken pedahNa. Dibata e badia, janah inganNa pe arus badia. Em sebabna maka i bas bangunen rumah pertoton arus isikapken ingan e alu payo sentudu ras perentah Dibata. Bas pengenehen Ezeiel enda Dibata nuriken kerna; inganna e me kamar si arah tengah (41:1) belangna dua puluh meter, gedangna sepuluh meter.

Lit ka Ingan si Badiana kal, ingan e kamar si arah bas, tempasna empat persegi, gedangna ras belangna sepuluh meter. Enda kerina ituriken Dibata man Ezeiel segelah iturikenna ka man bangsa Israel.

Arah pengogen enda si idah maka sope denga ipajekken mulihi rumah pertoton e, Dibata enggo leben mpersingeti bangsaNa kerna bentuk ras ukuren ingan si badia e. Enda penting janah arus ilakoken sue ras kai sienggo iperentahkan. Ndauh-ndauh wari sope pembangunen rumah pertoton e enggo leben ituriken Dibata.

Genduari kenca kematen Tuhan Jesus kita lanai erkelang-kelang jumpa ras Dibata. Dibata e sikataken Bapa. Mabai kita rembak tetap ras IA. Bage pe melala ilakoken pembangunen rumah pertoton, kerina kita ikut muat bagin arah kai sienggo icakapken bas gerejanta e me gerakan Rp. 2.000/bulan perjabu. Tujun enda segelah kita baci ngejapken maka i ja ipajekken rumah pertoton, reh teremna kalak banci jumpa ras Dibata arah katana. Si jadi perenungen enggo nge sisikapken ingan si badiana kel bas dirinta. Pusuhta e me ingan jumpa ras Dibata si Badia. Mari sipekena-kena, sibangun alu payo ras pedah-pedah sibereken Dibata segelah arah pusuh e nari nehken peraten Dibata.